

Sukan dan Rekreasi

Pemahaman Petikan (Kertas 1)

Bagian A

Baca pantun di bawah dengan teliti dan jawab soalan yang berikutnya.

Pantun Alam Remaja

Elak rupanya kumbilang jati,
Dibawa tik pulang petang;
Tidak terkejutkan besar hati,
Melihat ibu sudah pulang.

Dibawa tik pulang petang,
Dapat di rumpun bilang-bilang;
Melihat ibu sudah pulang,
Hati cemas menjadi hilang.

Ayam klanian terbang mengekas,
Hinggap di ranting bilang-bilang;
Melihat bonda pulang lekas,
Hatiku besar bukan kepalang.

Kita menari keluar bilik,
Sebarang tari kita tarikan;
Kita menyanyi adik-beradik,
Sebarang nyanyi kita nyanyikan.

Hanyut batang berilit kumpai,
Terdampar di ujung Tanjung Jati;
Bonda pulang bapa pun sampai,
Kita semua berbesar hati.

Ramai orang bersorak-sorak,
Menepuk gendang dengan rebana;
Alang besarnya hati awak,
Mendapat baju dengan celana.

Mahulah kami hendak melapun,
Lapun dibawa orang menjaja;
Jangan marah kami berpantun,
Budak kecil biasa manja.

(Dipetik daripada antologi
Baik Budi, Indah Bahasa, Tingkatan 2,
Kementerian Pendidikan Malaysia)

- 1 Berdasarkan rangkap kedua pantun di atas, apakah yang dirasakan oleh anak-anak?
A Anak-anak berasa gembira melihat kepulangan ayah dan ibu ke rumah
B Anak-anak tidak lagi takut dan risau apabila melihat ibu pulang ke rumah
C Anak-anak berasa gembira atas pemberian atau hadiah daripada ibu bapa
D Anak-anak akan berasa sangat gembira sewaktu menyambut kepulangan ibu

Bonda pulang bapa pun sampai,
Kita semua berbesar hati.

- 2 Merujuk baris-baris pantun di atas, apakah yang dimaksudkan dengan berbesar hati?
A Sedih
B Bangga
C Gembira
D Dukacita
- 3 Berikut merupakan pengajaran yang terdapat dalam pantun di atas, **kecuali**
A kita mestilah menghormati ibu bapa.

- B kita mestilah menyayangi anak-anak.
C kita perlulah sentiasa berwaspada dengan orang luar.
D kita hendaklah bersikap pemurah terhadap keluarga.

- 4 Apakah bentuk pantun di atas?
A Berbentuk bebas
B Terdapat tujuh rangkap
C Baris bagi setiap rangkap tidak sama
D Terdiri daripada lima hingga enam patah kata setiap baris

- 5 Apakah persoalan "Pantun Alam Remaja"?
A Persoalan kasih sayang ibu bapa terhadap anak
B Persoalan ketabahan dalam menghadapi dugaan hidup
C Persoalan keperitan hidup yang dialami oleh remaja
D Persoalan kesungguhan remaja dalam mengejar kejayaan